

Illoqarfigisaq qimallugu erniartortartut ilaquataasalu, unammillernartumik atugarisaat pillugit qulaajaanermik iliuusissatullu pilersaarummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut UKA24-p aallartinnginnerani saqqummiunneqarsimassaaq.

(Inatsisartunut ilaasortaq Mikivuk Thomassen, Inuit Ataqtigiiit)

pillugu

Ilaqtariinnermut Peqqissutsimullu Ataatsimiititaliap

siunnersuutit aappassaaneerpeqarnerannut

ISUMALIUTISSIISUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Bjørk L. Kristensen, Demokraatit, siulittaasup tullia
Inatsisartunut ilaasortaq Hans Peter Poulsen, Siumut
Inatsisartunut ilaasortaq Mikivuk Thomassen, Inuit Ataqtigiiit
Inatsisartunut ilaasortaq Eqaluk Høegh, Inuit Ataqtigiiit
Inatsisartunut ilaasortaq Najaaraq Møller, Siumut
Inatsisartunut ilaasortaq Paneeraq Olsen, Naleraq

UPA2023-imi 9. Maj, siullermeerinerup kingorna siunnersuut ataatsimiititaliap misissorpaa.

Siunnersuutit imarisaa siunertaalu

Illoqarfigisaq qimallugu erniartortartut ilaquataasalu, unammillernartumik atugarisaat pillugit qulaajaanermik tamatumalu kingorna iliuusissatut pilersaarummik UKA2024 nallertinnagu piareertussamik suliaqaqqullugit Naalakkersuisut peqquneqassasut siunnersuummi matumani siunertarinearpoq.

Siunnersuummi tunngaviginearpoq pitsanngorsaasoqarnissaanik, matumani pilersaarutaasumik ernisoqassatillugu pinartumik naartunerliortoqartillugu ataataasoq ilaquataasorluunniit alla ingiaqataasutut angalaqataasarnissaat siunnersuuteqartoq isumaqarpoq.

Siunnersuutit Inatsisartuni siullermeerneqarnera

Siunnersuut partiinit Naalakkersuisunillu tapersorsorluarinearpoq, ataatsimiititaliamilu suliarineqartussanngorlugu inassutiginearluni.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Siunnersuutip piviusunngortinneqarnissaanut AC-fuldmægtip ukiumut aningaasarsiaanik 500.000 kr.-inik naleqassasoq siunnersuuteqartup naatsorsuutigaa. Ataatsimiititaliaq tamatumunnga oqaatigisassaqaanngilaq.

Allakkatigut apeqquteqaatit

Ataatsimiititaliaq siunnersuummik suliaqarnerminut atatillugu Meeqqanut, Inuusuttunut Ilaqutariinnut Peqqinnissamullu Naalackersuisumut apeqqutinik arlalinnik nassiussaqaarpoq. Ataatsimiititaliap apeqqutaasa assilineri akissutigineqartullu isumaliutissiissummut matumunnga ilanngussatut ilanngunneqarput.

Ataatsimiititaliap siunnersuummik suliarinninnera

Ulloq 18. oktober 2021-imi ataatsimeersuarnermut ”At rejse for at føde”-mik qulequtaqartumut Ernisussiorlut Kattuffiannit aaqqissuunneqartumut ataatsimiititaliaq peqataavoq (qaaqquissut pilersaarullu isumaliutissiissummut ilanngussatut ilanngunneqarput). Taamaalluni unammilligassat, taakkulu isiginneriaasit aammalu erninermik suliallit naartusunik qanimut sullisaqartut kissaataat pillugit ataatsimiititaliaq ilisimasaqangaatsiarpoq.

Siunnersuutip piviusunngortinneqarnerani pineqartumi unammilligassat qulaajarneqassapput taamaattumillu 2024 nallertinnagu tamatumunnga iliuusissatut pilersaarusiortoqarnissaa ataatsimiititaliamit qilanaarinearpoq. Suliap ingerlateqqinneqarnissaanut pisariaqarfiatigut akuutinneqarnissatsinnut ammalluta.

Siunnersuummi matumani anguniarneqartoq assigalugu misissuinerit aallartinneqareersut siullermeerinninnermi Naalackersuisut akissuteqaataanni atuarneqarsinnaavoq. Ernisussiornermi periarfissat killilersuutillu pillugit qulaajaasoqarnissaanut ilisimasaqarnerulernissamullu misissuinerup aallartinneqareersup killiffia nassuiaatigeqqullugu Naalackersuisoq qinnuigineqarpoq. Tassunga ilassutigalugu Peqqinnissaq Pillugu Ataatsimiititaliarsuup kaammattuutai suleriaqqinnissami qanoq ilanngunneqarsinnaanersut nassuiaatigeqqullugit Naalackersuisoq qinnuigineqarpoq. Misissuinissaq kinguaattoorsimasoq tamatumalu juni 2023-imi saqqummiunneqarnissaa naatsorsuutigineqartoq Meeqqanut, Inuusuttunut Ilaqutariinnut Peqqinnissamullu Naalackersuisup akissuteqaataani allassimavoq. Akissuteqaammi aamma allassimavoq Peqqinnissaq Pillugu Ataatsimiititaliarsuup isumaliutissiissutaa ulloq 22. maj tamanut saqqummiunneqartoq kaammattuutillu iliuusissatut pilersaarummut qanoq ilanngunneqarsinnaanersut Naalackersuisut oqaaseqarfigissallugu suli periarfissaqaanngitsut.

Ataatsimiititaliap inassuteqaatai

- Ataatsimiititaliaq isumaqatigiittoq imaattumik allannguutissatut siunnersuummik saqqummiussaqqarpoq taassumalu akuersissutigineqarnissaa inassutigalugu:
“Illoqarfigisaaq qimallugu erniartortartut ilaqutaasalu, unammillernartumik atugarisaat pillugit iliuusissatut pilersaarummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut UPA2024-p aallartinnginnerani saqqummiunneqarsimassaaq”.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Mala Høy Kúko
Siulittaasoq

Bjørk L. Kristensen
Siulittaasup tullia

Hans Peter Poulsen

Najaaraq Møller

Mikivuk Thomassen

Eqaluk Høegh

Paneeraq Olsen

**AALLARLUNI ERNIARTORNEQ - ERNISUNNERMI ILAQUTARIIT
AVISSAARTITAANERATA KINGUNERISINNAASAAT**

AT REJSE FOR AT FØDE – KONSEKVENSERNE AF ADSKILLELSE AF
FAMILIERNE OMKRING FØDSEL

Ulloq/Dato:

18. oktober 2021

Nal./Kl.

08.00-16.30

Sumiiffik/Sted:

Lillesal, Katuaq - Nuuk.

Akeq/Entré:

300 kr. nerisaqarneq ilanngullugu
300 kr. inkl. fuld forplejning

Nalunaarfissaq akiliiffissarlu/Tilmelding og betaling:

Mail-imi linkeq takuuk
Se link i mail

Attavissaq/Kontakt:

Siulittaasq - Formand Anne Schurmann

Oqarasuaat/Tlf.:

+299 25 04 38

Mail:

ek@ppk.gl

Støttet af:

NunaFonden



AALLARLUNI ERNIARTORNEQ

Pisussat

Kl. 7.45 Nalunaarsuineq

Kl. 8.30 Tikilluaqqusineq - Anne Schurmann, siulittaasoq - Ernisussiorlut Kattuffiat

Kl. 8.45 Meeqqat ilaqutariillu pisinnaatitaaffii - Maliina Abelsen, Unicef-imi pilersaarusiormik aqutsisoq

Kl. 9.00 Kalaallit ilaqutariit iluanni oqaluttuarisaaneq piorsarsimassutsikkut ileqqut paasisaqarfigikkitt, naartumut isumasuineq kiisalu peqqissaaviup pingaartumik ernisussiorlut ilaqutariit timikkut tarnikkullu peqqissusaannut tapersersuinissaannut tunngatillugu. - Ruth Montgomery-Andersen

Kl. 9.45 Kaffisorneq

Kl. 10.15 Erniartorluni angalanerup naartumut inoorlaamullu tarnikkut sunniutigisartagaat - Henrik Dybvad Larsen, Tarnip pissusaanik ilisimasalik

Nal: 11.00 Ernineq ataatsimuussuserlu - toqqissisimaneq, naartunerup, erninerup naalungiarsuuteqarnerullu piffissaata nalaani ilaqutariinngornerup mianernartui - Tarnip pissusaanik ilisimasalik I, ilisimatoq Svend Aage Madsen

Kl. 12.00 Ullup qeqqasiorneq

Kl. 13.00 Ernineq ataatsimoornerlu - toqqissisimaneq naartunerup, erninerup naalungiarsuuteqarnerullu piffissaata nalaani ilaqutariinngornerup mianernartui - Tarnip pissusaanik ilisimasalik II, ilisimatoq Svend Aage Madsen

Kl. 14.30 Kaffisorneq

Kl. 15.00 Erninerlut atatillu ilaqutariit avissaartinneqartarnerisa kingunerisinnaasaanik oqallinneq. Oqallissaarisuusapput Anne Schurmann, Svend Aage Madsen kiisalu Ruth Montgomery-Andersen

Kl. 16.30 Ullumikkut qujanaq

Programmip allangorsinnaanissaa ilisimatitsisingissuarput

Ataatsimiinneq qallunaatut ingerlanneqassooq, ingerlaannartumillu nutserneqarluni.

Konferencen vil foregå på dansk, med simultantolkning.

AT REJSE FOR AT FØDE

Program

Kl. 7.45 Registrering

Kl. 8.30 Velkomst - Anne Schurmann, forkvinde for Ernisussiorlut Kattuffiat

Kl. 8.45 Børn og familiers rettigheder - Maliina Abelsen, programchef Unicef

Kl. 9.00 En introduktion til det historiske og de etnokulturelle traditioner i grønlandske familier mht. den perinatale omsorg samt sundhedsvæsenet og specielt jordemødrenes mulighed for at støtte familiernes fysiske og psykiske sundhed - Ruth Montgomery-Andersen, jordemoder og PhD

Kl. 9.45 Kaffepause

Kl. 10.15 Den prænatale og perinatale psykologiske perspektiv på at rejse for at føde - Henrik Dybvad Larsen, psykolog

Kl. 11.00 Fødsel og fællesskab - tryghed og sårbarhed i familiedannelsen over graviditet, fødsel og spædbarnstid I - Psykolog og forsker Svend Aage Madsen

Kl. 12.00 Frokost

Kl. 13.00 Fødsel og fællesskab - tryghed og sårbarhed i familiedannelsen over graviditet, fødsel og spædbarnstid II - Psykolog og forsker Svend Aage Madsen

Kl. 14.30 Kaffepause

Kl. 15.00 Debat om hvilke konsekvenser det kan have at adskille familier i forbindelse med fødsler.

Debatpanelet bestående af Anne Schurmann, Svend Aage Madsen og Ruth Montgomery-Andersen.

Kl. 16.30 Tak for i dag

Vi tager forbehold for ændringer



Støttet af:

NunaFonden

**ERNISUSSIORLUT
KATTUFFIAT**



Ilaqutariinnermut Peqqissutsimullu Ataatsimiititaliaq
mika@ina.alla.gl & inatsisartut@inatsisartut.gl

22-05-2023

**UPA2023/66-imut tunngatillugu ernisarfiit pillugit iliuusissatut pilersaarut pillugu
apeqquteqaammut akissuteqaat**

Suliap normua 2023 - 9843
All. nr. 23014313

Postboks 1160
Oqarasuaat: 34 50 00
Fax: 34 55 05
3900 Nuuk

Email: pn@nanoq.gl
www.naalakkersuisut.gl

Apeqqtugineqartunut tullinnguuttuni issuarneqartunut akineqartunullu qujavunga.

- 1. Naartusunik sullissinermi periarfissat killilersuinerillu pillugit qulaajaaneg
ilisimasanillu pissarsiniarnermut misissuisoqarnissaa
aallartinneqareersoq siullermeerinninnermi Naalakkersuisut
akissuteqaatiminni allapput. Misissuineq tamanna sumut killippa?**

Akissut:

Naalakkersuisut ullormi 20. maj 2022-mi Ilaqutariinnermut Peqqissutsimullu
Ataatsimiititaliamik ilisimatitsiffiusumik ataatsimeeqateqarnissaa sioqqullugu naartusunik
sullissinermik misissuinermut tunngatillugu killiffimmik uannga nassiussipput:

"Nuna tamakkerlugu ernisarnermut sullissisarnermik misissuineq maannakkorpiaq
ingerlavoq. Taamaammatt ernisarnermik suliallit naartusumullu ilaqutaasut tungaanniit
isigalugu ernisarnermut sullissinermi periarfissanut killiliisunullu tunngatillugu
ilisimasaqarnerulernissap anguniarnissaa misissuinermi siunertaavoq. Tamanna pillugu
ilisimasaqarnerulernikkut pisussat ineriartortitsinissamilu takussutissat assigiinngitsut
takuneqarsinnaalissapput, taakkuuppullu Peqqinnissaqarfimmi ernisarfinnut
isersinnaanerup siunissami pilersaarusiortiginissaanut aaqqissuunnissaanullu
ilanngussiffiusinnaasut. Misissuinermi inerniliunneqartut 2023-p qiteqqunnerani
saqqummiussinnaanissaat ilimagineqarpoq."

Misissuinerup 2023-p aallartinnerani saqqummiunneqarsinnaanissaa siullermik
naatsorsuutigineqarsimavoq, taamaattorli Kalaallit Nunaanni Innuttaasut
Peqqissusiannik ilisimatusarfimmit ilisimatusartut tamatuma tunniunnissaanut
piffissaliussaaq sivitsoqqusimavaat. Peqqinnissaqarfimmi sulisoqarniarnikkut pissutsit
ilungersunartut, misissuinissamat paasissutissiisartussanik, tassunga ilanngullugu
ilaqutariinnik peqqissutsimullu tunngasutigut sulisunik taasinissamik
kinguaattoortitsinerat pissutaavoq. Misissuinerup 2023-mi juunimi tamanut
saqqummiussinnaanissaa Naalakkersuisut maannakkut naatsorsuutigaat.

- 2. Peqqinnissaq pillugu Ataatsimiititaliarsuup kaammattuutai iliuusissatut
pilersaarutip suliarinerani qanoq ilanngunneqarsinnaappat?**

Akissut:

Naalackersuisut Peqqinnissaq pillugu Ataatsimiititaliarsuup isumaliutissiisutaa ullumikkut ulloq 22. maaji 2023 saqqummiuppaat. Naalackersuisut maannakkut isumaliutissiisut innersuussutillu misissussavaat. Tamatuma kingorna innersuussutit politikikkut suliarineqassapput, taamaattumillu innersuussutit qanoq iliuusissatut pilersaarusiornermi qanoq ilanngunneqarsinnaanersut oqaaseqarfigineqarsinnaangilaq.

3. Taakkununga Naalackersuisut ilassutit paasissutissaateqarpat?

Akissut:

Naalackersuisut massakkuugallartoq allanik ilisimatitsissutissaqanngillat.

Inussiarnersumik inuulluaqqusillunga
Med venlig hilsen



Mimi Karlsen